



Սայաթ Նովա

Յիս քու դիմեթը չի՞ն գիդի

Թասլիք, Էսպես Արութինի ասած:

Յիս քու դիմեթը չի՞ն գիդի՝
Չավահիր քարի նըման իս.
Տեսնողին Մեջլում կու շինիս,
Լեյլու դիդարի նըման իս:

Աշխարումըս ինը դուն իս,
Բեմուրվաթ իս, մուրվաթ չունիս.
Պըռռոշնիրըդ նաբաթ ունիս,
Ղանդ ու շաքարի նըման իս:

Դադա պիտի՝ թարիփդ ասե,
Ակոնքըդ յադութ-ալմաս է,
Ռանգըդ փրռանգի ատլաս է,
Չար դալամքարի նըման իս:

Մագիրըդ նըման ռեհանի,
Դուն ուրիշ խիալ մի՛ անի,
Ռահմ արա, հոքիս մի՛ հանի,
Մուրվաթով յարի նըման իս:

Վո՛ւնց դիմանամ Էսչափ չարին,

Աճկեմես կաթում է արին.

Սայաթ Նովա, նազլու յարին՝

Գրնաժ նոքարի նրման իս: